



Inatsisartuni ilaasortaq
Aqqa Samuelsen, Inuit Ataqatigiit
/Maani

**Annertuumik qaqqanik sisoortoqarsinnaaneranut misissuinerit kalerrisaarutillu pillugit § 37 naapertorlugu apeqquteqaammut nr. 269-
imut akissut**

Asasara Aqqa Samuelsen

Inatsisartut suleriaasianni § 37 naapertorlugu annertuumik qaqqanik sisoortoqarsinnaaneranut misissuinerit kalerrisaarutillu pillugit Naalakkersuisunut apeqquteqaateqarputit. Apeqqutitit uannit akisassanngorlugit innersuunneqarput.

1. Naalakkersuisut ataatsimiinnerannit imaqarniliaat 20.06.2019-imeersoq naapertorlugu Karrat kangerluani qaqqat innaasa annertuumik sisoorfiusinnaanerisa aarlerinaataannik misissuinissamut suliaakkiissutinut najoqqutassaq ilanngunneqartoq akuerineqarpoq. Misissuinerit killiffiat sumut killippa?

Misissuinerit paasineqarpoq, Karrat Kangerluani qaqqanik annertuumik sisoortoqarsinnaanera suli ulorianaateqartorujussuusoq. Sumiiffimmi sumiiffiit pingasut ulorianartorsiorfiusut naliliiffigineqarput. Tamatuma saniatigut misissuinerit paasineqarpoq, nunatsinni sumiiffiit (qaqqaqarfii) allat 15-it qaqqat sisoornissaannik annertuumik imaluunniit annertoorsuarmik ulorianartorsiorfiusut. Taamaattumik qaqqat taakku ukiut tulliit pingasut ingerlanerini sukumiisumik misissuiffigineqassapput.

Sumiiffiit ulorianartorsiorfiusut misissuiffigineqarnerat killiffigineqarpoq. GEUS, misissuinerit ingerlatsisuusoq ilisimatitsivoq, 2021-mi piffissaq orniguttarluni misissuiffiusoq naammassitinnagu misissukkat inernerinik inerniliiffiusunik piareertoqarnissaa naatsorsuutiginnikkitsik.

2. Karrat kangerluani qaqqat innaasa annertuumik sisoorfiusinnaanerisa aarlerinaataannik misissuinissamut suliaakkiissutinut aningaasat qassit maannamut atorineqarsimappat?

Qaqqat annertuumik sisoorsinnaanerinik misissuinerit, 2017-2018-imi ingerlanneqartumut aningaasartuutit tamarmiusut 10 mio. koruuninik amerlassuseqarput. Misissuineq danskit naalagaaffiannit aningaasalersorneqarpoq.

Brevdato: 26-08-2019
Sagsnr.: 2019 -17268
Akt-id: 11277752

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl

Sumiiffinnik ulorianartorsiorfiusunik misissuinerit ingerlaqqinnissaasa 24 mio. koruuninik akeqarnissaat naatsorsuutigineqarpoq. Danskit naalagaaffiat misissuinerit 15 mio. koruuninik tapiissuteqassaaq, sinnerilu 9 mio. koruunit Naalakkersuisut 2020-mut Aningaasanut Inatsisissamut Siunnersuutaannut ilaatinneqassapput.

3. Tassaarsuortoqarnerata kingunerisaanik illut pigisallu nalillit aseruatifersimasut taarsersornerannut maangamut qanoq annertutigisumik aningaasartuuteqarfiuppat?

Ineqarnermut Attaveqaqatigiinnermullu Naalakkersuisoqarfik kiisalu Aningaasaqarnermut Naalakkersuisoqarfik imaattumik ilisimatitsissuteqarput:

”Innuttaasunut tassaarsuarmik eqqugaasunut inissianik taartissanik sanaartornissamut 110,7 mio. koruunit immikkoortinneqarput, taakkunungalu sanaartorfissagissaanissamut aningaasartuutit ilaapput. Taakku saniatigut inissinneqarnermut, assartuussinerimut, pequtinut, piniutinut il.il. katillugit 25 mio. koruunit aningaasartuutigineqarput.”

4. Nuugaatsiami Illorsuarnilu qaqqap sisoornissaanut/tassaarsuortoqarnissaanut upalungaarsimanermut atortorissaarutitik pilersuinissamut Naalakkersuisut pilersaaruteqarpat? a) Aappiuppat: Qaqqap sisoornissaanut/tassaarsuortoqarnissaanut upalungaarsimanermut atortorissaarutit suut pineqarpat?

Naagga, Naalakkersuisut Karrat Kangerluanni kalerrisaarutitik ikkussuinissamik pilersaaruteqanngillat, immikkut ittumik ilisimasallit pissutsit atuuttut atorlugit isumannaatsumik kalerrisaarusuinissaq ajornartoq naliliiffigimmassuk.

5. Nuugaatsiami Illorsuarnilu qaqqap sisoornissaanut/tassaarsuortoqarnissaanut upalungaarsimanermut atortorissaarusuisoqassappat qanoq annertutigisumik aningaasartuuteqartoqassanersoq Naalakkersuisut paasissutissiinnaappat?

Naagga, Naalakkersuisut aningaasartuutit amerlassusissaannik ilisimasaqanngillat, kalerrisaarutitik maannakkorpiaq ikkussuinissaq pilersaarutigineqanngimmat. Aammattaaq apeqquut 4-mut akissut takuuk.

6. Nuugaatsiarmiut Illorsuarmiullu nunaqarfimminnut angerlartinneqannginnissaannik Upalungaarsimanermut Ataatsimiititaliap innersuussutaa Naalakkersuisut malitaat Karrat kangerluani qaqqat innaasa annertuumik sisoorfiusinnaanerisa aarlerinaataannik misissuineq naammassinissaanut atuuppa?

Upalungaarsimanermut Ataatsimiititaliaq ilisimatitsivoq, allamik nalunaaruteqarnissaata tungaanut Upalungaarsimanermut Ataatsimiititaliap

upalungaarsimanermut tunngatillugu naliliineri atuutiinnassasut. Karrat
Kangerluanni qaqqat sisoorsinnaaneritut annertoorsuarmik
ulorianartorsiortoqarnera allannguuteqanngilaq.

Upalungaarsimanermut Ataatsimiititaliap oqaaseqaatai tunngavigissavakka.
Apeqquteqaammut allanik oqaaseqaatissaqanngilanga.

Inussiarnersumik inuulluaqqusillunga
Med venlig hilsen



Kim Kielsen